

Keyire á wakita na a puwetaa YUHANNA

Ga use á Yuhanna

¹ Náwa yá anƙwa puwakta ba iya wakita na Gayus; ya slesawari am dágave á emnde a ɗaba Yaisu. Yá puwakte ge ekka, ka edda una wayanak-wáyá á ba an jirire na.

² Slakate-aaruwa, yá anƙwa yekakuyeke, geni baɗemme á duksa-aha na ká maganá ka a gevge shagera ge ekka, antara ká njinja an lapiyire. Ervaunɗe á ɗa wá, diyandiya shagera áza Dadaamiya.

³ Á higa ervaunɗe-aaruwa jipu, aɗaba kwakya egdzar mama-aha á miya saremsa á sehuna wá, ta se biya geni ká anƙwa maga jirire an ervaunɗe á ɗa palle. Diyandiya tsawe geni ká magan ba estuwa ɗanna an shifa á ɗa baɗemme.

⁴ Má cenanáncena geni egdzara-aaruwa ɗabartedaba jirire á Dadaamiya wá, ya higa jipu. Higa-aaruwa ɗanna keni á jauje ge una yá higa arge ma uwe keni am duniya.

Yuhanna á zleba Gayus

⁵ Slakate-aaruwa, ka slemággwe jipu am názena ká maganá ka ge melateru ge egdzar mama-aha á miya, ma ta wayve-aha keni.

⁶ Ta se magaa seydire á katafke á emnde a fetarfe áhuna áte wáyáva á ɗa, geni magakateránmaga maggwire kwakya. Yá anƙwa ɗalakɗála geni ká emmága ba estuwa ge

melateru ge jeba á emnde ɲanna am shula-aha-aatare, áte una ni á de hayánháya Dadaamiya na.

⁷ Shula-aatare ɲanna wá, ba ge slera á Yaisu *Almasiihu, ba uwe keni lyiyarka dekiɗeki am erva á emnde na ɗabarka Yaisu Almasiihu má tá kátá melaterumele an ɲane.

⁸ Adaba una ɲanna, miya emnde a fetarfe wá, shagera jipu geni mí melaterumele ge jeba á emnde ɲanna seke itare na, geni mí gevge palle antara itare am slera na tá anƙwa maganá itare ge bálese jirire.

Elva arge Diyautairafais

⁹ Náwa ya puwaterte nalmesheri ge aiklaisiya-aha á ɲa, amá Diyautairafais ɲane edda una á kátá geva male arge itare, lyiyaaka elva-aaruwa ɲanna dekiɗeki.

¹⁰ Adaba una ɲanna, má watse danemda ya, yá de palakanaapálá emtaɲkire na a maganaa ɲane; ba seke elva a laakire, antara fida-aha na a tsakanaa ɲana á dete iya na. Baira á tsaaka á ba an una ɲanna: Ba emnde a fetarfe na ta wayve-aha am mba-aara keni, lyiyaterka. Ba emnde na tá kátá lyiyaterlyiya na keni, a naba piyaterthe, á kátá bakaterbáká am aiklaisiya.

Seydire shagera arge Daimatriyus

¹¹ Slakate-aaruwa, ɗabeka sera á emnde na shagerka mága-aatare, sey ká maga ba názena shagera na. Adaba ba edda una á maga duksa shagera na una gevge egdza á Dadaamiya, amá edda una á de ba katafke an mága duksa shagerka wá, ɲane zlaɓe diyaaka Dadaamiya.

¹² Amá Daimaitriyus wá, bademme á emnde tá gálá ba ɲane, geni ɲane á maga duksa shagera. Baira elva á Dadaamiya na á balaná ɲane na keni, á maraterá ba una ge emnde, geni ɲane wá, á maga duksa shagera. Nere keni ɲá ndáha ba názena ni shagera na á dete ɲane, geni ɲane ɲanna wá, slejirire. Ba ekka keni diyakdiya ganakini elva-aha na ɲá ndaasá ɲere na, bademme ba jirire.

Halavuwa á elva

¹³ Kwakya elva-aha-aaruwa na yá kátá bakánba na, amá wayanka yá puwakte elva-aha ɲanna an narkálam.

¹⁴ Yá tama dezeɲa ba herzhe na, daaci mí ndáhá elva-aha ɲanna antara ka, we-aaruwa una, we á ɲa keni una.

¹⁵ A vakteva Dadaamiya hairire. Bademme á slakate-aha á ɲa na tá áhuna tá ankwá gak use-aatare. Gaterga use á ɲere ge slakate-aha á ɲere keni an palpalire-aatare.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 25 Aug 2024 from source
files dated 29 Jan 2022

dec75dd5-4784-5059-aa00-668d508a6b0d